



# La visita dal pitschen luf

2|3



Ina dumengia sa schluita in pitschen luf en ina scolina abandonada. El savura vi dals autos da termagl. El savura vi dals curals da vaider cotschens, blaus e mellens. El savura vi d'ina chaura da lain e pensa per sasez: «Qua vi jau star!»

4|5



Tuttenina vesa el ina tur da tscheppa. El raiva siadora, ma ... pumfata! La tur dat ensemen ed il pitschen luf croda per terra! El sa fultscha en in stgalfin lom e sa durmenta.

6|7



Glindesdi en damaun vegn il pitschen luf dasdà dals sbratgs alleghers dals uffants. Spert sa zuppa el sut inastgaffa. El vesa a tiplar sperasvi ils pitschens stgalfins d'uffants ed ils gronds chalzers da gimnastica da dunna Sonja.

8|9



Il pitschen luf dauda a rir ils uffants. Precautamain cuchegia el sut la stgaffa nauadora. Ils uffants fan musica. Els siglian, sautan e chantan la chanzun da la chaura.

10|11



La notg èn tut ils uffants svanids. Il pitschen luf raiva sin ina maisa. El prenda palpiri ed in penel e cumenza a malegiar. Da bass chantina el la chanzun da la chaura ch'al plascha uschè bain.

12|13



Mardi rodla in bindel da tatgar sut la stgaffa. Svelt stauscha il pitschen luf enavos il bindel. Qua vesa el ch'els uffants stendan gronds fegls da chartun ondulà enturn duas maisas. Els construeschan ina bartga.

1|2|3

14 | 15



La notg emprova il pitschen luf da metter ensemenina cumbiniala. Ma tge savura qua uschè bain?

16 | 17



Mesemna dauda il pitschen luf dunna Sonja a savilar: «Tgi ha sagià la petta d'anniversari?» Ma lura decorescha ella la petta cun novas flurs da zutger. Ils uffants malegian e scrivan giavischs sin bandierettas da palpiri. Quellas chatschan els en la petta e chantan per Anna ina chanzun d'anniversari.

18 | 19



«Questa notg vi jau er scriver!», pensa il pitschen luf e tschertga colurs. El scriva e malegia fin la damaun marvegl. Igl è gievgia. Ils uffants curran da buna luna en la scolina.

20 | 21



Il pitschen luf dat in sigl e sa tschenta en in truclet mez avert. En quel mument arriva dunna Sonja. Ella marmugna: «Ils uffants duessan avair in pau meglier urden» e serra il truclet. «Au!» Il pitschen luf ha serrà en sia toppa.

22 | 23



Per fortuna po il luf liberar sia toppa e chatschar in zic ses nas or dal truclet. El vesa ina pitschna stria che metta a maisa. In striun taglia carottas. Dus uffants sa scognan per ina mascra da luf. Quai plascha al pitschen luf ed el sto rir.

1 | 2 | 3

24 | 25



La notg metta il pitschen luf ensemen las rodaglias da la viafier da lain e fa circular ils trens. El construescha ina tur, ina staziun ed in uigl per la chaura.

26 | 27



Venderdi gizza il pitschen luf las ureglias, cura che dunna Sonja raquinta l'istorgia da la Chapitscha cotschna. El taidla gugent paraulas. Ma dal chatschadur e ses schluppet na vul el dudir nagut. Cun omaduas toppas tegna el las ureglias.

28 | 29



La notg prenda il pitschen luf tut ils cudeschs da maletgs giu da la curuna ed als guarda tras plaunsieu, in suenter l'auto.

30 | 31



«Pertge èsi oz uschè ruassaivel?», sa smirveglia il pitschen luf la sonda. Qua vegn tuttenina ina gronda scua sut la stgaffa e tira il pitschen luf or da ses zup. La dunna da nettegiar cloma: «Tge charin, in pitschen luf! Quel met jau en la charrotscha da poppas!»

32 | 33



Dumengia na vegn nagin a disturbar il pitschen luf. Sin la platta d'uffants cuschina el ina buna schuppa da bustabs ...

34 | 35



... ed envida al past da festa tut las poppas, ils animalets da plisch e la chaura da lain ch'el ha survegnì fitg gugent!

1 | 2 | 3